

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De sancti Symeonis qui columnam incolebat morte. Caput XXII.

urn:nbn:de:hbz:466:1-12718

EVAGR. HISTORIÆ

videlicet caretur, utrumque aureum in usum sacræ mensæ, & unicum v-
trinque apertū conficeretur auro collistratum. Quod autem
de summa pretij restaret, ad necessarios usus tuæ sacræ æ-
dis reseruaretur, ut mihi & Siræ tuæ sancte Sergi, cum in a-
lijs rebus opitulareris, tum maxime in hac petitione subsi-
dio venires, & quod per tuam intercessionem nobis eue-
nerit, idem ipsum per tuam clementiam & bonitatem mi-
hi & Siræ ex sententia penitus succedat, quo tum ipse, tum
Sira, tum alij omnes denique in toto orbe terrarum, tua in
virtute spem ponamus, & in te deinceps credamus. Hæc
donaria à Chosroë oblata ea loqui videntur, quæ cum pro-
phetia Balaam consentiunt: quod plane dei prouidètia fa-
ctum est, ut Gentilium linguae verba salutaria proficerent.

De Naamane Saraceno. Cap. XXI.

PE RID temporis Naamanes gentis Scenatarum tribu-
nus, Gentilis adeo nefarius & sceleratus, ut propria
manu homines dæmonijs suis mactaret, ad sanctum ac
cessit baptismum, statuamque; Veneris auream igne liquefa-
ctam pauperibus erogauit, & omnes, qui ad eum spectabat,
ad veram in deum fidem traduxit. Gregorius autem, post-
quam crucis à Chosroë donatae erant, de sententia impera-
toris, omnia monasteria in solitudine, limitarum dicta, &
maxime in quibus peruersa Seueri dogmata regnabant, per-
lustrauit, exposuitque illis vera ecclesiæ dogmata, & multa
castella, pagos, monasteria, & gentes integras ad dei ecclæ-
siam adduxit.

*De sancti Symeonis qui columnam incolebat
morte. Caput XXII.*

INTERA loci cum Symeones sanctissimus tam graueriter
ægrotaret, ut nulla esset spes vitæ reliqua, Gregorius à
me de hac re certior factus, maturat, ut Symeoni extre-
num spiritum agenti adesseret. Verum quod volebat, mi-
nime est consecutus. Erat autem iste Symeones propter
eximiam virtutem omnium hominum suæ ætatis facile pœ-
stantissimus: qui in columna vitam seueram coluerat, ad-
eo à teneris, ut aiunt, vnguiculis, uti dentes suos in ea
mansione commutaret. Ad vitam autem in columna de-
gendam tali causa inductus fuit. Cum adhuc valde te-
nella ætate esset, & puerorum more per montis iuga lu-
dend.

dendo saltandoque pererraret, forte fortuna incidit in pardum cuius collo cingulo circunecto, eo velut freno bestiam, quae iam suam teram naturam exuerat, ad suum monasterium secum ducit. Quod cum magister eius, qui etatem agebat in columna, videret, percontatur, quid sit. Responder puer sclem esse, quem vulgo catum nominat. Hinc igitur coniecturam faciens quantopere virtute esset in posterum præstaturus, ad vitam in columna degendam eum induxit. In qua columna, simul, & in altera, summo in montis vertice citâ, sexaginta octo annos vixit, omnibus gratiæ donis repletus: quippe dæmones expulit, sanavit omnem morbum & omnem languorem, res futuras perinde ac præsentes prævidit. Qui prædixerat Gregorio, illum eius morti minime adfuturum, atque adeo ignoraturum, quid post ipsum mortuum eveniret. Quintianus cum ipse mecum cogitarem de liberorum amissione, quereremque quid causa esset, cur Gentilibus, qui liberis abundarent, idem ipsum neutquam accideret, Symeones, quamuis hanc cogitationem nemini omnino patefecisset, scripsit ad me, ut ab eiusmodi cogitationibus, vt pote Deo minime probatis desistrem. Porro autem cum vxor scribæ mei, quoniam lac illius postquam pepererat, ita obstructum fuit, vt infans in maximum vitæ veniret periculum, Symeones, ubi manum dextram viri eius tetigerat, iussit, vt ad vxoris vbera iniijceret. Quo facto, exemplo lac velut ex fonte erupit, adeo ut vestimenti mulieris totam madefaceret. His accedit, & puerum à viatoribus, quibuscum iter fecerat Symeones, intempesta nocte à tergo relatum, Leo dorso imposuit, & ad monasterium Symeonis aduexit. Itaque ministri Symeonis iussu egressi, puerum à Leone apportatum introduxerunt. Multæ alia præterea gesit, plane memorabilia: quæ & linguam disertam, & vacuum tempus, & separatam tractationem defuderant: quæ certe crebro hominum ore sunt atque sermonibus decantata. Nam cuiusque nationis homines, non Romani solum, sed etiam Barbari ad eum aduentarunt, rerumque postularum compotes facti sunt. Huic Symoni ramí quidam fruticis in monte crescentis & cibi & potionis loco fuere.

De